

燕
石
十
一

燕
石
十
一

熱河日記目錄

黃圖紀畧

皇城九門

虎園

琉璃廠

西館

風琴

練鳥舖

金鰲橋

洋畫

花草舖

瓊華島

象房

免園山

黃金臺

萬壽山

雍和宮

太和殿

大光明殿

體仁閣

狗房

文華殿

孔雀園

文淵閣

五龍亭

武英殿

九龍壁

擎天柱

太液池

御廐

紫光閣

午門

萬佛樓

廟社

極樂世界

前星門

瀛臺

五鳳樓

南海子

天壇

回子館

燕巖集

外集

熱河日記弓二十三

黃圖紀畧

皇城九門

皇城周四十里若棋局然九門正南曰正陽東南曰崇文西南曰宣武正東曰朝陽東北曰東直正西曰阜成西北曰西直北西曰德勝北東曰定安皇城之內為紫禁城周十七里紅牆覆黃琉璃瓦門四北曰地安南曰天安東曰東安西曰西安紫禁城之內為官城正南曰太清門第二即紫禁城之天安門第三

曰端門第四曰午門第五曰太和門後門曰乾清乾
清之北曰神武東曰東華西曰西華皇城九門樓皆
三檐皆有瓮城瓮城皆有二層敵樓鐵裹門闕與城
門相直而左右皆有便門正南一面為外城有七門
制同九門正南曰永定南左曰左安南右曰右安東
曰廣渠西曰廣寧廣渠之東隅曰東便廣寧之西隅
曰西便地安門外為鼓樓鼓樓之北為鍾樓角樓六
水關三城濠發源玉泉山經高梁橋河分兩支一循
城北轉東折而南一循城西轉南折而東入紫禁城
為太液池統出九門經九牌匯至大通橋而東西峙

皆輓筭石甃九門濠梁皆置大石橋外城濠河亦自
玉泉分流至西角樓遶城南流折而東行至東角樓
歷七門東入運河各跨一橋內城十六街有二十四
坊太清門之東曰敷文西曰振武崇文門內之對坊
曰就日宣武門內之對坊曰瞻雲東大衢四牌樓曰
履仁西大衢四牌樓曰行義太學東西對坊曰成賢
府學東西對坊曰育賢帝王廟東西對坊曰景德直
正陽門十里為南郊圓丘在焉直安定門十里為北
郊方澤在焉直朝陽門十里為東郊朝日於此直阜
成門十里為西郊夕月於此太廟在闕之左社稷在

闕之右六科在端門左右六部及百司在太清門外
左右余既自中國還每思過境惜如朝霞顧眼
宵如曉夢歛魂朔南易方名實爽真一日俾鄭石痴
就八旗通志圖出皇城一披圖而城池官闕街坊府
署如觀掌紋紙上如聞履履拜遂撮其要書之卷首
為黃圖紀畧大約皇都之制前朝而後市左廟而右
社九門正而九衢直一正都而天下正矣

西館

西館在瞻雲牌樓內六街之西白廟之左右正陽門
之右者稱南館皆我國使館也年至使先在南館而

別使踵至則分處此館或云被藉之家也前墻十餘
間甃刻牡丹而築之嵌空玲瓏正使處正堂中庭有
東西堂副使書狀分處余處前堂

金鰲橋

跨太液池架石橋東西二百餘步兩沿為白玉欄干
中為馳道增高二尺夾道為複闌頭舩舩總為四
百八十餘坐各具情態不一其形橋之兩端對樹二
坊西曰金鰲東曰玉竦車馬闐咽遊人雜沓而湖波
漾日一塵不動北望五龍亭西望紫禁城林樹葱蒨
層樓複殿相掩相映而五色琉璃瓦甍隨日作陰陽

白塔寺浮圖及亭閣黃金萌蘆頂時湧樹外樹外天
光深青而澄煙澹靄令人駘蕩又似暮春天氣

瓊華島

太液池中有島曰瓊華世傳遼太后粧梳臺元順帝
為英、起采芳館于此跨島有大石橋制如金鰲兩
端亦樹二坊曰堆雲曰積翠或曰此名金海橋也湖
上有臺如瓮城臺上有殿如翠蓋立橋上回看金鰲
行人車馬又不類人間世矣臺下有金時古松 皇
明嘉靖間給俸号為都督松或云柏或云柏
間多紀述詩今摧殘只存兩朽榦色白如骨不可辨

矣

兔園山

兔園山一名吐兒山高不過五六丈周僅百餘步砌礎縱橫似是舊臺殿基也內築土為山外環立太湖石嵌空玲瓏蒼翠綠碧不雜他色高皆丈餘石之至巧者也纍石為小洞府兩頭皆為偃虹門既出洞府又以奇石夾道螺旋作峰回路轉之勢上置數楹虛閣俯瞰城闕又行數十步石龍昂首其下為方池甃石為溝屈曲蜿蜒似是流觴之所而轉機汲水之物無一存者山前有石狀玉枰又行數十步有三層圓

臺其制如旋磨其下又有新階殿閣山中萬石磳礫
無一傾側而壞墻敗瓦在在嵒亂吾聞皇帝於西山
窮極土木而獨於禁苑咫尺之地不加理葺有若荒
山墟落何也

萬壽山

鑿太液池為山曰萬壽又曰煤山上有三簷殿閣
立四法輪竿皇明毅宗烈皇帝殉社之地也余與
杭州人陸可樵李冕相遇於五龍亭兩生俱初至京
師其謎方昧內無異於我只憑古人記籍時自衣帶
間頻出視或相視而笑或兩相愕然蓋驗之古記

有中有不中則自不覺其喜且驚也彼以中州人聞
見之相為乖左紀迷之時有訛謬猶尚如此況余外
國人乎余自因此有大自然悟者余初以萬歲山為
萬壽山蓋華音萬是宛歲音秀灑翻萬壽萬歲音義
俱似則意謂一山而兩呼也今考西生所持古記則
果非一山曩者所遊兔園瑯嶼乃萬歲山也譬如對
席證交名面各知萬歲山金人輦運宋之艮嶽以成
之當時謂之折糧石元世祖置廣寒殿于其上皇
明宣宗皇帝御製廣寒殿記是也高麗恭愍王時元
太子召見高麗殯成事李公遂於廣寒殿即萬歲山

也又高麗元宗五年九月王至燕都十月辭帝於萬壽山玉殿又申思佺遍觀萬壽山玉殿但云玉殿而不言殿名然旣稱萬壽山則所謂玉殿非廣寒亦明矣欲觀壽皇亭而守者不納焉未知亭今尚在否也嗚呼痛哉

太和殿

太和殿皇明時舊名皇極殿三檐九陞覆以琉璃黃瓦月臺三層各高一丈每層為白玉石護欄悉雕龍鳳闌頭皆為螭首外向臺上立鉄鶴翩然欲舞第一臺闌中列置八鼎第二臺闌角對峙兩鼎其三臺闌

中夾闌各峙一鼎、高皆丈餘庭中亦列三十餘鼎
其出色神巧古之九鼎亦或在此也自太清門為白
玉石闌連延曲折至太和殿又周匝至中和殿又至
保和殿如亞字殿前東曰體仁西曰弘義臺高幾與
太和殿陞齊而但一層一闌耳大抵太和殿乃天子
出治之所而不甚高大問諸他人則所見畧同初頗
訝之首譯笑之曰此無他所經數千里之間城邑民
居如彼壯麗寺刹官廨所在宏侈則眼目日奢心意
漸濶未見太和殿而先有清陽玉葉許大明堂為天
子垂衣之所今自左右廊廡驟看太和殿不甚有異

故乃反憮然而失圖耳譬之人克舜亦與人同若使
左右承弼無元凱諸公而苟然克位者無非屠沽芻
蕘獨克舜衣日月星辰山龍華蟲粉米藻火宗彝黼
黻絺繡之服揚八彩而瞬重瞳兀然孤立惡能成魏
巍蕩之治化哉故寺剎官觀譬之唐虞之岳牧則
皆足以朝諸侯有天下間閭市廛譬之康衢之民崩
則無非此屋可封然後始見帝居之壯也今此三檐
九陛琉璃黃瓦有非齊民所得而僭者而外此制度
莫不肖太和殿乃所以侈太和殿也不如此則太和
殿亦何異草舍寒乞哉余曰如君言則克舜薰染紂

然後始做得意天子也聞者皆大笑

體仁閣

內務府官與通官眼同我譯考納我幣之紫紬黃紬
于體仁閣時方籍入閣老李侍克家產侍克納雲貴
總督海明金二百兩職發被籍中國內外無論大小
貴賤皆有養廩恒廩外官則分煩衝疲難為之制祿
若額外私賦或閔節納賂事發追職雖纖毫犯科盡
沒私藏惟不奪官爵故赤身帶職妻子流離此法蓋
沿皇明之舊而更嚴也內務官對坐收納而所籍無
他物皆婦人所著貂裘二百餘領一裘頗長而毫端

金畫麟龍

文華殿

出雍和門有殿曰文華覆以黃琉璃瓦皇明故事文
華殿東室為九龕供奉伏羲神農黃帝堯舜禹湯文
武左一龕周公右一龕孔子每日天子至文華殿開
講先行一拜三叩禮閣老及講官立候月臺上石欄
之左承旨唱先生來閣老及講官魚貫而進分班入
席于時畧堂陞之嚴以便講臣憑几今未知近世開
講亦用是禮否也

文淵閣

文華殿前有閣曰文淵天子藏書之所也皇明正統
六年合宋金元所儲而編定目錄凡四萬三千二百
餘卷增以永樂大全多至二萬三千九百三十七卷
若復益以近世所刊圖書集成今皇帝所輯四庫全
書則想應充溢露積於外耳門鎖只從簾隙畧望殿
閣之雄深而未窺天子縹箱之富甚可恨也曾聞昔
我昭顯世子從九王宿留此閣云九王者清初睿
親王多爾袞也

武英殿

協和門外有武英殿制如文華殿雍和門與西華門

相直協和門與東華門相直武英殿前有文淵閣大
約殿閣門牆莫不對、相直中庭步數亦必相當無
小差殊矣黃江漢景源陪臣考崇禎甲申薩哈廬入
京師受明文武朝賀于武英殿此傳聞之誤也薩哈
廬者貝勒曾見謚号錄薩哈廬謚武毅受文武朝賀
于此殿者乃多爾袞非薩哈廬也甲申三月流寇破
皇城是年五月多爾袞入皇城是時明亡僅閱月而
我國從人見武英殿龍墀只有蝙蝠矢相覩流涕今
駟卒刷驅充斥殿庭恣意遊觀雖不識當時光景亦
莫不侮紅帽而羞蹄袖自視衣袴鷄結而猶與錦繡

者排突小無愧沮豈非吾東尊攘之義亦根於皂隸
之賤而秉彛之所同得有不可誣也耶

擎天柱

午門外左右立數丈石獅端門內左右坐石麒麟建
六稜石柱于其上柱高六七丈柱身遍刻龍螭柱頭
所坐之物莫辨何像而皆作攫擎之狀天安門外亦
有一對此似是石闕也

御廐

御廐在前星門外東西樹柵為門馬不過三百餘疋皆
脫羈自在方午圍人開柵舉鞭指揮若招呼之狀東

西廐馬皆出齊首分左右立北牆下有大井、邊有
大石槽兩人轉機斟水連注槽中圉人以鞭分十馬
為一隊次第入飲前隊齊飲齊退則後隊方進無敢
爭先亂次者入者從右出者從左自入于廐問天子
馬止此否圉人笑曰天子稱萬乘京外富室尚多是
數况萬乘天子耶暢春苑圓明園西山俱有萬馬皇
莊南海子亦有千里馬今天閑上駟盡往遵化州今
此所留皆老孱不堪騎乘只備端門立仗然俱壽六
七十就中指黃馬曰此壽一百有三歲披示其脣只
有兩齒不食芻豈已三十餘年中醇醪二甌朝暮

糖餌麥屑二升調燒酒臨槽舐吃月受三品廩皇帝
時賜御膳必獲跪叩頭雍正時尚行千里云馬之毛
色潔澤未見其甚老但眼小眇流而獲瞳瑩碧如靺
鞨兩眉五六根集之下垂耳中白毫出外如鬣但脰
大異他馬想其少壯時多力者也圉人要索厚幣願
且頑鄙未知其言為信然否也每歲三伏日中貴人
用鹵簿鼓吹導迎御馬監所頒洗刷于德勝門外積
水潭

午門

午門三虹門幽深如行洞窟中衆囂雄響喤宏鏜鏜

橋五階白玉石闌干

廟社

六科在端門之內六部百司分置太清門外是為前
朝太液池北神武門內是為後市宗廟在闕之左社
稷在闕之右前後左右鋪置排設無不勻敵於是乎
王者之制度大備矣曾見綏寇記畧崇禎十六年五
月京師雨血通夕雷霆太室神主顛倒室鼎彝器皆
融又六月二十三日夜霹靂起奉先殿廟門金鋪皆
為龍爪所鎔化廟前石上有龍卧痕嗚呼甲申流寇
之變千古所未有也天崩地坼九廟震蕩而因為覺

羅氏觀德之所則惡能無似此大寢怪哉

前星門

自體仁閣出協和門與東華門相直有殿曰文華其東有門曰前星覆青琉璃瓦門內又有重門而皆鎖重門之內皆青琉璃瓦毫可知為太子宫也或云太子所居曰傳心殿、後有箭亭鑄鉄為碑刻清家祖訓以埋之人無敢至者世傳康熙在位久太子對官僚言世間寧有頭白太子乎語泄坐廢自是不復豫建、雍正元年八月十七日語曰我聖祖仁皇帝為宗社慎擇命朕續承丕緒於去年十一月十三日一言

而迄大訃薄海內外罔不欣戴當日聖祖因二阿哥
之事身心憂悴天下共聞今朕諸子尚幼必須詳慎
特將此事親寫密封藏于乾清宮正中世祖章皇帝
御書正大光明扁額之後乃宮中最高之處以備不
虞故茲諭告諸王大臣咸宜知之云云禮部主事陸
生楠疏請豫建雍正下詔切責以爲不豫建太子即
我朝家法俾皇子人人各懋孝友恭儉一聽天命絕
兄弟猜疑譏謗之心此萬世久長之美法也明朝奸
臣王錫爵請建太子不擇賢以立天啓遂亡天下尔
欲效王錫爵耶自是天下莫敢復言豫建事而前星

之門開將百年矣

五鳳樓

太和殿前庭面可數百步臺高丈餘護以白玉石闌
上有太和門、上為三簷黃瓦是謂五鳳樓也皇帝
大朝會駕坐太和殿則欽天監設定時鼓于樓上教
坊司設中和韶樂于樓之東西通官徐宗顯言朝會
時錦衣衛陳鹵簿儀仗于太和殿庭東西北內立馴
象于五鳳樓下東西相向陳大車玉輅于太和門丹
墀中道北向御馬監設仗馬金吾衛雲麾司陳甲士
儀仗金鼓于太和門外午門內丹墀京營將校凡七

萬夾道樹幟護衛警嚴于棋檟街百官候時于端門
之內擎天柱下五鳳樓中鼓初嚴則百官整班鼓二
嚴則分班由太和左右掖門魚貫而入皇帝駕自保
和殿由中和殿入太和殿導駕侍衛捧九璽印符前
行樂奏飛龍引之曲大樂奏風雲會之曲于時洞開
諸門直至正陽門豁達洞見外內正直無有隱曲五
鳳樓中慶皇都喜昇平之樂如出天上云舊聞崇禎
初載於五鳳樓上獲天書黃祿十襲外題曰天啓七
崇禎十七福王一此雖妖言如此大基業亦豈無天
定之數耶

天壇

天壇在外城永定門內牆周幾十里牆脚三級其上
可以走馬內為圓丘第一層壇濶百餘步高可丈餘
壇面皆鋪用碧琉璃甃闌干四周皆以綠琉璃為極
檻四出陛俱九級陛濶幾二丈亦鋪碧琉璃甃護闌
亦皆綠琉璃檻第二層壇面二丈餘四出陛九級
壇面鋪碧琉璃甃壇脚及四周闌干亦皆綠琉璃極
檻圓丘外又繚以周垣覆黃琉璃瓦四面為櫺星門
分元亨利貞以配東西南北而為号東一壇祀日西
壇祀月東壇第二壇祀二十八宿西第二壇祀風雲

雷兩皇穹宇及神樂觀太和殿齋官天庫神厨皆覆
以琉璃黃瓦神樂觀平日教習樂舞生之所每值大
享則先期演儀于太和殿羊永鹿兔俱有房舍圈押
北牆下方池二十餘區冬月鑿冰以藏凌室可見昭
事之物潔淨備具無不取用於其中也正陽門敵樓
下正南一門怪其常開或云皇帝親祀天壇駕出方
啓正南甕城門而灌脂百斛然後始開云

虎圈

御厰後為虎圈築城如烟臺上架井字樑覆以腕大
鐵網傳牆為小穿樹鉄為柵旧有二虎一近斃一往

圓明園今空圖皇帝幸行必檻虎前驅心有不懌則
臨園親射云

風琴記

余友洪德保嘗論西洋人之巧曰我東先輩若金稼
齋李一菴皆見識卓越後人之所不可及尤在於善
覘中原然其記天主堂則猶有憾焉此無他非人思
慮所到亦非驟者所可領畧至若後人之繼至者亦
無不先覘天主堂然恍忽難測反斥幽怪是眼中都
無所見者也稼齋詳于堂屋畫圖而一菴尤詳于畫
圖儀器然不及風琴蓋二公之于音律不甚曉解故

莫能彷彿也今雖耳審其拜目察其制然又文不能
盡其妙是為大恨也因出稼齋所記共觀馬堂之東
壁有二層朱門而上二扉下四扉次第開之其中有
筒如柱如椽者簇立大小不一而皆金銀雜塗之其
上橫置鉄板其一邊鑕穴無數一邊如扇形刻方位
及十二時俄見日影到其方位則臺上大小鐘各過
四拜中央大鐘過六拜鐘拜終止東邊虹門內忽有
一陣風拜如轉衆輪絀而樂作絲竹管絃之拜不識
從何而來通官言此中華之樂良久而止又出他拜
如朝賀時所聽曰此滿洲之樂也良久而止又出他

曲音節急促曰此蒙古之樂也樂舞既止六座自掩

西洋使臣徐日昇所造云

正稼齋記

德保讀已大笑曰

是所謂語焉而不詳也中有筒如柱如椽者鋤鐮為

管其最大之管如柱椽簇立參差此演笙簧而大之

也小大不一者取次為律而加倍之隔八相生如八

卦之變而為六十四卦也金銀雜塗者侈其外也忽

有一陣風舞如轉眾輪者為地道宛轉相通而鼓索

以達氣如口吹也繼而樂作者風入地道輪圍輓輶

而簧葉自開眾竅噉噪也其鼓索之法聯五牛之皮

柔滑如錦袋以大絨索懸之樑上如大鐘兩人握索

奮躍懸身若掛帆狀以足蹋索、漸躡伏而其腹彭
漲虛氣充滿駘納地道於是按律掩竅則無所發洩
乃激金古次第振開所以成衆樂也今吾畧能言之而
亦不能盡其如如蒙 國家發帑 命造則庶幾能
之云德保所今吾入中國每思風琴之制日常憧
于中也既自熱河還入燕京即尋天主堂宣武門內東
面而望有屋頭圓如鐵鐘湧出間閭者乃天主堂也
城內四方皆有一堂此堂乃西天主也天主者猶言
盤古氏天皇氏之稱也但其人善治曆以其國之制
造屋以居其術絕浮偽貴誠信昭事上帝為宗地忠

孝慈愛為工務遷善改過為入門生死大事有備無
患為究竟蓋自謂溯本窮原之學然立志過高為說
偏巧不知反故於矯天誣人之科而自陷于悖義傷
倫之咎也堂高七仞無慮數百間而有似鉄鑄土陶
皇明萬曆二十九年二月天津監稅馬堂進西洋人
利瑪竇方物及天主女像禮部言大西洋不載會典
其真偽不可知宜量給衣冠令還本土勿得潛住京
師不報西洋之通中國蓋自利瑪竇始也堂燬于乾
隆己丑所謂風琴無存者樓上遠鏡及諸儀器非倉
卒可究故不錄迺思德保所論風琴之制張然為記

詳畫

凡為畫圖者畫外而不能畫裏者勢也物有隆坎細
大遠近之勢而工畫者不過略用數筆於其間山或
無皴水或無波樹或無枝是所謂寫意之法也子美
詩堂上不合生楓樹恠底江山起烟霧堂上非生樹
之地不合者理外之事也烟霧當起於江山而若於
障子則訝之甚者也今天主堂中牆壁藻井之間所
畫雲氣人物有非心智思慮所可測度亦非言語文
字所可形容吾將視之而有赫々如電先奪吾目者
吾思非將洞吾之腦臆也吾耳將聽之而有俯仰轉

眄先屬吾耳者吾慚其將贊吾之隱蔽也吾口將言之則彼亦將淵默而雷聲逼而視之筆墨塵跡但其耳目口鼻之際毛髮腠理之間暈而界之較其毫分有若呼吸轉動蓋陰陽向背而自生顯晦耳有婦人膝置五六歲孺子孺子病羸白眼直視則婦人側首不忍見者傍側侍御五六人俯視病兒有慘然回首者鬼車鳥翅如蝙蝠墜地宛轉有一神將腳踏鳥腹手舉鉄杵撞鳥首者有人首人身而鳥翼飛者百種恠竒不可方物左右壁上雲氣堆積如盛夏午天如海上新霽如洞壑將曙蓬瀛勃鬱千葩萬朵映日生

暈遠而望之則綿邈深邃杳無窮際而羣神出沒百
鬼呈露披襟拂袂挨有疊跡而忽令近者遠而淺者
深隱者顯而蔽者露各各難立皆有憑空御風之勢
蓋雲氣相隔而使之也仰視藻井則無數嬰兒跳蕩
彩雲間纍纍懸空而下肌膚溫然手腕脰節肥若綿
紋驟令觀者莫不驚駭錯愕仰首張手以承其墮落
也

象房

象房在宣武門內西城北牆下有象八十餘頭凡大
朝會午門立仗及乘輿鹵簿皆用象受幾品祿朝會

時有官入午門畢則象乃交鼻而立無敢妄出入者
象或病不能立仗則強牽他象以代之莫能屈也象
奴以病象詣示之然後乃肯替行象有罪則宣勅杖
之觸之物傷伏受杖如人杖畢起叩頭謝貶秩則退居
所貶之伍余昇象奴一扇一丸令象呈伎象妙少之
加徵一扇余以時無所携當追給第先使效伎則象
奴往諭象目笑之若落然不可者使從者增昇象
奴錢象睥睨久象奴數錢納囊中然後象乃肯不令
而效諸伎叩頭双跪又掀鼻出歛如管簫聲又填
作鼓聲響大約象之巧藝在鼻與牙嘗見畫象者皆

雙牙直指若將觸物者謂其鼻垂而牙指今視象不
然耳牙皆下垂若值杖忽向前若握刀忽互交若又
字不一其用唐明皇時有舞象觀史心常疑之今果
見善論人意者莫象若也崇禎末流寇破京城遇象
房羣象皆垂淚不食云蓋形則蠢而性則慧眼則詐
而容則德或云象孕子五歲而產或云孕十有二載
乃產每歲三伏日錦衣衛官校列旗仗鹵簿金鼓迎
象出宣武門外濠中洗濯觀者常數萬云

黃金臺

出朝陽門循濠而南有數丈顏阜曰此古之黃金臺

也世傳燕昭王築宮置千金于臺上招延天下之士以報強齊故吊古之士至此莫不悲懷感慨彷徨而不能去嗟呼臺上之黃金盡而國士不來然天下之人本無讐怨而報仇者無窮已時則未必非此臺之金相仍於天下也請為歷數報仇之大者以告海內之積金多者秦之時以金啗諸侯之將而盡滅其國則蒙氏有力焉李斯本以諸侯之客為諸侯報仇蒙恬天下之報仇者茲可以少息矣既而趙高殺李斯子嬰殺趙高項羽殺子嬰沛公殺項羽其金四萬斤石崇之富有自來而乃反罵曰奴利吾財何其愚也

然轉傳相報千載至今而其金尚在也何以知其然
也元魏爾朱兆之難城陽王徽齎金百斤以洛陽令
寇祖仁一門三刺史皆已所拔往投之祖仁謂其家
人曰今日富貴至矣乃怖徽云捕將至今徽逃於他
所邀於路而殺之送其首於兆、夢徽告云我有金
二百斤在祖仁家卿可取之兆捕祖仁依夢徽之不
得乃殺之此不乃其報仇者尚在乎五代時成德節
度使董溫箕金鉅萬溫箕為契丹所虜則衙內指揮
使祕瓊盡殺溫箕家族瘞之一穴而取其金晉高祖
立徒瓊為齊州防禦使橐其金道出魏州范廷光伏

兵境上殺瓊悉取之延光終以金為楊光遠所殺光遠為晉出帝所誅而其故吏朱顏悉取其金獻之李守貞後守貞為周高祖所破與妻子自焚然其金當尚留人間也何以知其然也昔有三盜共發一塚相謂曰今日億矣得金多盍沽酒食來一人欣然而去沿道自賀曰天假之便也與其三分寧專之鵠其食而還二盜突起格殺之先飽酒食將兩分之既而俱死塚旁嗟乎是金也必將宛轉于道左而必將有人拾而得之也其拾而得之者亦必將默謝于天而殊不識是金者乃塚中之發而鵠毒之餘而由前由後又

未知毒殺幾千百人然而天下之人無有不愛金者
何也易曰二人同心其利斷金此必盜賊之繇也何
以知其然也斷者分也所分者金則其同心之利可
知矣不言義而曰利則其不義之財可知矣此非盜
賊而何我願天下之人有之不必喜無之不必悲無
故而忽然至前驚若雷霆嚴若鬼神行過草蛇未有
不髮竦而却立者也

雍和宮

雍和宮雍正皇帝願堂也有三檐大殿、中塑金身
踏二十級胡梯如入鬼窟梯盡得樓始見天日樓之

中央四圍闌干竅虛如井僅及金身下半截又自此
踏梯如行漆夜良久乃得入窓洞然樓中井竅如下
層而金身要替緣見其半又暗摸拾級信足瞑升乃
出上層始與佛頂平據闌俯視風氣凜冽如萬松送
濤所居僧皆喇嘛三千人頑醜無比而俱曳織金裪
衣時方隅中羣僧魚貫入一大殿中列短脚牀大
如棋枰一人一牀跏趺而坐一僧響鍾衆喇嘛一時
誦梵更與李譯惠迪登大士殿意謂通望九門間闕
撐地皇都全局當在眼底及開窓出臨闌干處樓
臺周遭重遮巡闌一匝反覺悶塞而下視殿裏不可

久居矣

大光明殿

西安門內南小柵行數百步有三檐十二面圓殿
覆紫琉璃瓦黃金葫蘆頂題曰大光明殿中四柱
金龍一升一降上承屋雷中安上帝像環衛三十三
像皆袞冕擁圭四面瑣窓牆壁皆青琉璃甃九陛三
重闌干此號大玄都明世宗皇帝迎陶真人講內丹
于大光明殿即此也清順治辛丑滿洲大臣索尼鰲
拜蘇克薩哈過必隆受世祖顧命輔幼主康熙立總
六歲四臣者共詣此殿焚香刺臂血設誓上帝後殿

曰太極殿供三清神塑又後殿曰天元閣養道士數十人有典守太監天元閣及大光明殿東廊重修時金稼齋昌業見其設梯撤瓦甚壯之按其日記時康熙癸巳二月初九日也今太極殿及天元閣皆黃瓦金碧璀璨今距癸巳為六十八年而煖然如新高士奇金鰲退食華記言其賜第在殿之左時於秋兩初霽碧天如洗披襟露坐覺巍、瓊構與明月流光相照恍若置身于廣寒宮云蓋其處地稍占敞豁儻值月宵霽景則尤勝也

狗房

獵狗二百餘頭大小不一形貌各殊皆甚羸瘠或卧
或蹲動止閑逸有不勝懶眠者有喜而搖尾者有起
迎嗅水者有張口長欠而上下斷齧之間幾一尺有
咫我人數十突至開攘而服者聲音想應眼生然無
一驚怖信吠者從隸出脯與狗人使逞伎狗人繫脯
數丈長竿若垂餌招一狗就中一黃狗颯然跳出衆
狗翹立不競也点竿高下則狗左右跳躑以一蹄仰
挈狗人拂竿若挑魚飛空三四丈狗亦竟高超騰反
踰長竿捷若疾風狗人叱令退去更招他狗次第試
之其飼狗之法皆擲物空中狗仰首騰挈而取之落

地則不食也別有失溺之所，居皆潔淨不穢

孔雀圃

翠鳥二朱鳥一羽毛尾端金錢皆同朱鳥轉身還作
深綠翠鳥轉身又作殷紅金錢俄變鴉青聞人咳群
遍體羽毛忽失光色霎頃閃爍復還初魂體比鸞鷟
差小而尾長過三尺脰足鹿鹵錦衣常履令人慚赧
惟食蛇虺又與蛇交遍地遺白處止至穢圃人見我
隸跣足行走戒勿踐白恐蛇鰓入膚即爛也

五龍亭

太液池上西南向臨水列綵亭者五曰澄祥曰滋香

曰龍澤曰湧端曰浮翠總名五龍亭澄波萬頃金碧
蘸影遙望金鰲橋上車馬行人渺若仙界後輿中
人遊問西湖勝景對不見西湖則五龍亭一面是也
不識亭躬何時而皇明天順間太素殿後有草亭今
無此其曰基也紫光閣及承光殿紫瓦金殿隱約林
樹間紅牆內彩瓦亭間高下櫨疊與副三价俱至時
值夕陽微靄滄蕩光景尤奇嘗又清朝一至新旭鮮
麗恨未見亭下屬柄笑渠也譯輩言五龍亭光景雖
朝暮變態猶不若盛夏蓮花時蓮花時猶不若深冬
冰戲云

九龍壁

由五龍亭轉一小阜入一門、前有照牆高五六丈
廣十餘丈以白甃甃錯以九龍、身皆數丈五色
之外別有紫綠紺色陽起蜿蜒細察之龍之肢體頭
角段、燔造以合之升降飛翥各具體勢變化不測
無絲髮縫痕非細心審視莫能覺也照牆者猶古之
塞門也宮闕官府寺觀皆有之閭閻皆樹之大門之
內

太液池

太液池在西安門內周未知凡幾里余嘗東遊海上

高城三日浦周十餘里今此池似不及也。旧稱西海
子池中跨起虹橋長數百步鐫白石為欄。外又為
白石欄。頭後狔數百大小雖同形態各異橋兩頭
各樹牌樓東頭題玉竦西頭題金鰲又北望一橋起
瓊華島接承光殿其南北亦樹牌樓曰積翠曰堆雲
環池殿閣樓臺疊甍巨簷古木多槐柳八月初三日
余至玉竦逢越中人凌野俱至五龍亭凌野亦初至
京師纔數日詢余池上水戲及皇都八景其疎野類
此蓋遠京都萬里北學者鮮余行差前五六日足見
一池晚荷也有小艇數十蕩泳荇藻間採蘋藕艇上

人皆赤身殊不雅也多五色魚有大魚三長皆二尺
餘遍體斑斕方來食蒲雀下拍手驚之悠然自適每
歲盛暑賜蒲漢大臣翰林臺省泛舟宴飲瓊島瀛臺
之間內賜藕茨鮮魚凍冰積雪分隊八旗為蹴毬挖
床之戲履底皆着鉄齒以習馳逐便捷天子臨觀之

紫光閣

循太液池有圓頂小殿上覆黃瓦簷用碧瓦名紫光
閣傍有百鳥房畜奇禽獸閣甚高敞其下為馳射之
場旧号平臺崇禎庚辰薊撫袁崇煥入援帝臨平
臺礮崇煥此似其地也

萬佛樓

由九龍壁行幾步有大殿遶壁龕置小佛一龕一佛
合為萬軀又有丈六觀音度相頭上遶坐萬佛千手
千目足踏神姦奇鬼惡獸毒蛇變化成精而未得佛
性者前置大香鑪三足高丈餘千妖百怪來舉鼎足
撐臂支脚努目張口許邪誰何若鬼子母揭琉璃鉢

極樂世界

有新剎大殿屋數百楹覆青瓦屋中以沈香旃檀為
五岳名山巖巒洞壑幽深嶮峭寺刹樓觀羅絡其上
剪綵為花松栢皆以銅鉄為葉青翠出色數仞飛瀑

漚騰沫跳雪翻驚濤令人滋惑聞言鏤冰也又聞言
激水也蓋鎔琉璃為之也

瀛臺

瀛臺臨太液池有殿曰昭和有亭曰迎薰皆黃尾崖
際樹木皆合抱幽深掩映虹橋複道宛轉相通林樹
間青瓦紫甍倒影湖心時方芙蓉初落蘆渚藻荇之
間時有小舫收蓮房

南海子

出崇文門南行二十里有園曰南海子方一百六十
里自元時為天子蒐獵之所皇明時繚以周垣設海

戶以守視皇城外內絕罕鳥雀蓋無林藪故也未及
海子數里一望蒼蔚而鳥鳶鷺鵒已蔽天矣趙譯達
東追至為言時方海戶癘疫大熾不可投足且日力
短此距大紅橋二十里自大紅橋至按鷹臺十餘里
其內有三大澤積水空明有七十二橋而行殿樓臺
不過沿道所見所養奇禽異獸非走馬可竟今自此
疾還猶難及門限也挽之甚力遂悵然回轅歷天寧
寺白雲觀疾駛入正陽門已踰黃昏矣

回子館

回子館外門輒築制樣絕奇非天主堂所見入門僅

移數武大突至張口猶大驚却立回童數十拍
掌奪笑門內左右對植大柱以數丈鉄連鎖、狗頸
繫之柱下以守門狗見人雖突起限鎖長而止常不
及人數步而其勢則甚怖慄也回女十餘人出視皆
壯健如男子頰紅額潤眉青眼赤其中一少婦抱數
歲嬰兒而立頗有艷姿皆白衣裳綰、綰髮為十餘
辮盤垂背後上加白帽如優人突帽衣如我國天翼
而袖窄

琉璃廠

琉璃廠在正陽門外南城下橫亘至宣武門外即延

壽寺旧址宋徽宗北轅與鄭后同駐延壽寺今為廠
造諸色琉璃瓦磚廠禁人出入燼造時尤多忌諱雖
匠手皆持四月糧一人毋敢妄出云廠外皆壓鋪貨
室沸溢書冊鋪最大者曰文粹堂五柳居先月樓鳴
感堂天下舉人海內知名之士多寓是中

絲鳥鋪

鋪中百鳥啾喧如山聽春晚皆鉄絲小簾一簾一鳥
或兩鳥則雌雄也鳥皆我東所有然不識其名簾中
皆置小盒貯水懸數莖粟穗以資飲啄持空簾至者
肩相摩也初翰林彭齡與周舉人各提空簾至鋪中

易獲鳥簷鳥即我俗所名昔川無甚奇稀而值錢五十
錦雞形類家鷄而無冠胡亦無獲耳味脰俱丹白
尾獲長其端小彎有翠錢一點置大槽貯水外周柵
上覆網養錦雞其中大鉄籠置白鷄大如鷄獲尾如
錦雞

花草舖

皆艸花最多繡毬秋海棠石竹諸色膽瓶排挿者皆
四季花翠觚挿一朵紅蓮大僅盈花葉如掌時方秋
菊盛開皆我東所有而最多鶴翎而莖不特長獨金
菊最異花朵僅如錢大而如新鵝金箔水仙未及開

花
蘭似萱艸而深翠無香可嗅

熱河日記目錄

謁聖退述

順天府學

太學

學舍

歷代碑

明朝進士碑

石鼓

文丞相祠

觀象臺

試院

朝鮮館

燕巖集

外集

熱河日記弓二十四

謁聖退述

順天府學

皇城東北隅柴市對樹兩坊曰育賢兩坊之中為順
天府學入櫺星門之內鑿池如半月是為泮水為三
空橋欄以白石橋之北有三門中曰大成左金声右
玉振聖殿外扁曰先師廟內題曰萬世師表康熙皇
帝書也位牌題至聖先師孔子之位四配曰復聖顏
子述聖子思之位位在東宗聖曾子亞聖孟子之位
在

西兩廡之間多古栢樹世傳許魯齋衡手植或云耶
律楚材所植明倫堂在聖殿之東啓聖祠在明倫堂
之北奎文閣在明倫堂之東北文丞相祠在明倫堂
之東南中門之外左為名宦祠右為鄉賢祠府學故
報恩寺也元至正末有遊僧募緣湘潭以造寺未及
安像而明師下燕戒士卒毋得入孔子廟僧蒼黃備
宣聖木主置殿中後不敢去遂為北平府學遷都北
京則為順天府學云

太學

皇城東北隅坊曰崇教四牌樓街曰成賢牌樓內皆

書國子監永樂二年成左廟右學宣德四年八月修
大成殿前兩廡先是太學因元之陋吏部主事李賢
奏請修舉從之正統九年正月太學成天子臨視祇
謁先聖行釋奠禮退御彝倫堂命祭酒李時勉進講
弘治改元駕臨太學有聖駕臨雍錄具載勅旨章奏
禮儀文移講議官職等事太學儀制于時大備屬厠
庚子聖殿易琉璃瓦從司業傅新德請也崇禎十四
年重修太學成八月車駕臨雍祭酒南居仁坐講臬
陶謨司業羅大任講易咸卦文武三品以上俱坐聽
賜茶講畢天子入敬一亭觀世宗所立程子四箴碑

石鼓殘闕亦令察補進呈長安客話云國初高麗遣
金濤等四人入太學洪武四年濤登進士故國按太
學志隆慶元年駕幸國子監朝鮮陪臣李榮賢等六
員各具本等衣冠赴彞倫堂立文臣班次之次余從
副使書狀庭行拜拜余曩謁熱河太學制視京學今
周瞻廟貌想因明旧而較之太和殿則雖似少英然
制度之整齊則大同焉庭除之遼濶廂廡之周匝亦
非東岳廟之比矣位板皆覆櫨龕垂黃帳康熙中陞
享朱子于十哲之次琴瑟鍾鼓皆陳設于殿中兩廡
從享凡百位設一如聖殿太學堂有七彞倫所以會

講平性修道誠心正義崇志廣業皆諸生肄業之所
云彛倫堂前松栢世傳元儒許衡手植廟門列置石
鼓共十枚周宣王獵碣也或言顏魯公坐位帖張
平叔金丹四百字趙文敏臨右軍樂毅論黃庭經蘭
亭定武本五碑俱在太學中而莫適所簡不得見而
故

學舍

昨有歐陽助教者錄示國子監內外學舍之制內
之在廣居門右門一座曰退
間其南漏室與厠自退省門漸北折而西為天地人
舍四連共四十九

知仁勇文行忠信規矩準繩紀綱法度共十八号每
号計二十一間度字号北有保安堂五間以處監生
之有疾者彛倫堂後有格致誠正四号計九十八間
嘉靖七年改建敬一亭外東号在庖左共三十四間
大東号在居賢坊賽萬百倉西門街門二一日登後
号舍東西二連共四十間一日集英号舍二十七間
新南号在北城二条衙衙東口門一座東西房二連
共三十四間南北四間小北号在居賢坊衙衙門一
座南北房二連共八十間交址号在監之南門一座
南北房二連共二十八間西号在成賢街之西北去

監五十步曰雲開寺址也小房十間又房二層計九
間本監屬官連居之北小房四間南一間近西小房
十六間此只監生栖息之所夜與來源篝之通計五
百八十餘間自彝倫以下東西講堂典籍之庫氣稟
之倉會饌之所醫藥之房鐘鼓之樓庖浴之室純德
之堂博士之廳啓聖土地之祠又莫知為幾楹則歐
之此錄意似誇示外國然較之漢唐已自落莫矣宋
慶曆中王拱辰判國子言漢太學千八百間生徒三
萬八唐六千二百間當時學舍之廣生徒之盛非後
代可比又按 皇明洪武四年詔選州府縣諸生秀

俊者八國子監當時干戈甫畢流離未還而猶得陳
如奎等二千七百八十二人二十六年則已得監生
悅慈等八千一百二十四人而至永樂十九年監生
方瑛等多至九千八百八十四人猶不滿萬其視前
代養士之盛不啻翼下今清御宇既久海內昇平文
教烜赫自謂跨迭漢唐而今余歷視諸舍十空八九
又況日前緣過釋奠大成門左戟門左壁列錄叅享
諸生纔四百餘人皆滿洲蒙古無一漢人者何也漢
人雖仕宦至公卿不得家城內則首善之地遊學之
士亦不敢居歟抑亦中華之族恥與胡虜種落齒學

而然。雖然亦有足法而可喜者。今此齋舍虛閒。想應塵埋草鞠而莫不汛治。肅清架桌。齊整牕戶。明淨紙塗。雖旧而無一皴缺。此雖一事。足見中國法度之緊焉。

歷代碑

諸廸石鼓音訓碑在大成門左戟門元大德十一年加封聖号詔碑一通在外特敬門至順二年加封先聖父母妻並四配制詞碑一通在門西洪武三年申明學制碑一通十五年勅諭太學碑一通十六年定學規碑一通三十年欽定廟學圖碑一通嘉靖七年

作敬一亭御製聖諭碑一通正通九年御製重修太
學碑一通洪武四碑想應南太學所樹而後世追刻
更立之此中也今清仁皇帝所撰先聖贊一通顏曾
思孟贊一通俱康熙二十八年閏三月立平阿魯德
猷御製獻馘碑一通康熙四十三年立使趙譯達東
分錄諸碑而不能盡錄文多可觀而未得遍閱可歎
也已

明朝進士題名碑

國子監進士題名碑始自皇明宣德五年林震榜
訖崇禎十三年庚辰魏德藻榜凡七十一通其下尚

可容兩碑而帝厰薄進士將下第舉人史惇吳康侯等盡留特用惇等請援進士例謁聖釋菜樹碑題名帝可之太學士周延儒奉勅撰文立于庚辰碑次而十六年癸未楊廷鑑榜後遂無隙地可以樹碑則明之進士題名碑止此云今清省闈之制悉遵明旧而題名之碑密若慈畦不可殫記苟使清德馨香曆祚遐延或函夏迭興恒為帝都而太學樹碑不廢故事則吾未知螭首龜跗更設何地也

石鼓

石鼓十枚以十干為第次列置大成門左右戟門之

內各五周宣王大蒐岐山之陽斷石為鼓以記其事
高二尺餘徑一尺有奇其文史籀之迹其辭類風雅
所以頌美天子之田也初在陳倉野中唐韓愈為博
士時請於祭酒欲輦置太學而未果宰相鄭餘慶帥
鳳翔取鼓置鳳翔夫子廟後值五代之亂鼓皆散失
及宋司馬池知鳳翔搜得鼓復置府學而亡其一皇
祐四年向傳師得亡鼓遂足十數大觀二年自京兆
移之汴京詔以金填其字陰初置辟雍後移室和殿
靖康二年金人陷汴重氈輦至燕剔其金置鼓王宣
撫家復移大興府學元大德十一年虞集為大都教

授得之草泥中始置國學其已鼓因民間窪其頂為
臼文字尤益漫漶然蓋古蹟之最奇者無如石鼓余
年十八始讀昌黎東坡石鼓歌奇其文辭獨未見石
鼓全文為恨今手撫石鼓口讀謄迪音訓碑豈非外
國入厚幸也歟

文丞相祠

祗謁文丞相祠在柴市即先生成仁之地也坊曰
教忠元時塑以儒服明正統十三年順天府尹王賢
奏改塑宋時丞相冠服其登祀典在永樂六年每歲
春秋仲朔天子遣順天府尹設爵三果五帛一羊一

承一余拜拜而退喟然歎曰千古興亡之際天意斷
可知矣其見于妖孽禎祥而為之驅除為之扶植必
於其所篤而力焉雖婦人孺子灼見其天意之有在
而乃忠臣義士者徒欲以隻手與天抗豈不悖且難
歟威武足以得天下而不能屈一介之士是一士之
抗節強於百萬之衆而為世之綱常重於一代之得
國則是亦天道之攸寄也若興王者自知克審而共
得此大器也天命之耶抑且吾以力取之也天既命
此大器而不容吾力焉則亦將使吾任天下之責耶
抑且以天下利吾身也天既欲以吾身利天下則其

利天下之術固亦將有其道矣吾受天之命拯救斯
民于塗炭之中而已矣故武王之伐紂也非武王伐
之也以有道伐無道也堂々乎其有天下而武王不
與焉是故在天無疑在人無忌在敵國無讐在天下
無我隨道之所在而就焉故武王之訪于箕子訪其
道也訪其道所以利天下也若武王逼箕子而強臣
之則為箕子者亦將抱九疇而赴柴市而已矣道之
不傳也於我何有哉後世之有天下者亦莫不受命
于天而惟其自知也不審故不信乎天惟其不信乎
天故不能不忌人凡吾力之所不得以屈者皆吾之

強敵而常恐其糾合義旅興復舊物則莫如殺斯人
以除後患斯人者亦以得一死為明暴大義於天下
也斯人者天下之父兄也殺天下之父兄而寧能止
子弟之為讐乎嗚呼天下之廢興有常數而遺民之
如文丞相者未嘗不輩出也當時受命之君當如何
處斯人也曰民焉而不臣尊之而無位置之不封不
朝之列已矣為元世祖詐親造館而手破其械東向
而拜之問用夏變夷之道率天下而師之則是亦先
王之道也伯夷之隘伊尹之任惟先生所擇也區廬陵
百畝之田而不稅則不祿而有其食矣噫黃冠故里

之願即白馬東出之志歟。彝倫之所以叙禮樂之所由興而安知先生之志不出於此也。

觀象臺

附城有高臺出堞丈餘曰觀象臺。上諸儀器遠望有似大舫車以考中星晨夜昏明之候。凡日月星辰風雲氣色之度異登此臺占焉。其下為府曰欽天監王堂扁書觀察。惟勤庭中雜置儀器皆銅造非但不識其名形製詭奇駁人心目。上臺則可以俯瞰一城而守之牢拒不得上而敵。蓋臺上諸器似是渾天儀璿璣玉衡之類。而庭中所置亦有似吾友鄭石痴家

所見者石痴膏削竹手造諸器明日索之已毀矣膏
與洪德保共詣鄭兩相論黃赤道南北極或擺頭或
順可其說皆渺茫難稽余睡不聽及曉兩人猶暗燈
相對也記鄭有言我國康津縣北極出地幾度與黃
河入淮口相直故耽羅橋渡海止康津為枳云其說
不為無據

試院

試院墻周幾五里埒等如城滑如斤削高二丈餘上
加荊棘中置大院宇四周為一間屋數千區一屋相
距半間左右為䟽牕以納明前為板扉中為小溫炕


庀通畢具外面磚築沒簷無一區壞墮外內潔淨雖
欲穿窬作奸牆壁堅如鉄城其勢未由也昨見落第
舉人試券長二尺餘廣六尺行用冊紙也硃印井間
楷字細者可容千餘言上首硃印禮部二字下爲封
彌似是禮部印札試紙以領應舉者也其考閱之蹟
如批評八家文下方批曰本房具卿姓有數行評語
又列書諸考官卿與姓俱爲評目皆硃書一井一字
無上中下次外更等第雖在黜落之科題品謄複使
作者曉然知黜落之所以然丁寧剴切藹然有師弟
子訓誨之意可見大國場屋之簡嚴考試之詳謹焉

舉業者足以不恨

朝鮮館

朝鮮館使之所初名玉河館在玉河橋上為鄂羅斯
所占今在正陽門內東城牆下軋魚澗衙翰林庶吉
士院隔牆下貢使先至在館而更有別使則分處西
館故此名南館昨年昌城尉使行時南館失火夜方
三鼓館中鼎沸一行卜物委積城底馬數百匹闐門
爭出已見甲軍數千嚴衛如鉄城數十水車並駟而
入扁擔兩桶水隨注車箱無点水冗費救火者皆著
氈帽氈裘、帽皆漬水手持長柄斧鈎鑣鎗衝焰冒

火墮突隨意須更火滅寂無喧擾卜物亂置者無一
闕失可見中國法度之嚴每事之不苟艱如此云



熱河日記目錄

盜案記

弘仁寺

真覺寺

報國寺

利瑪竇塚

天寧寺

白雲觀

法藏寺

太陽宮

安國寺

藥王廟

天慶寺

斗姥官

隆福寺

夕照寺

閔帝廟

明因寺

大隆善護國寺

火神廟

北藥王廟

崇福寺

燕巖集

外集

熱河日記馬二十五

卷葉記

皇城外內間闕廛舖之間所有寺刹宮觀不特天子
勅建皆諸王駙馬及滿漢大臣所捨第宅且富商大
賈必創一廟堂以資冥佑與天子競其奢麗故天子
不必更事土木別置雅宮以侈帝王之都也自明正
統天順間發帑所造者二百餘區而此年所創者在
大內外人不得見獨我使至則有時引納恣其縱觀
然余所遊歷僅百分之一或為我譯所操切或爭難

門者方入其中則顧影念之惟日不足而連置掌故
非攷碑刻無以知何代何寺緣讀一碑輒移數畧貝
闕琳宮隙駟灘舡是以五官並勞四友俱瘁恒如夢
讀籙書眼顓海蜃顛倒依佈名蹟多錯故拾小錄或
紙如蝶翅字如蠅頭皆百忙閱碑所潦草也遂編為
盡葉小記盡葉者倣古人書柿葉投盡中集而為錄

弘仁寺

弘仁寺最後一殿有觀音度相千手千目手各有執
像後所懸大障面大海濤瀾虛舟出沒而海天雲氣
騰之化為卿霤瑞曇中有金冠玉帶扶擁小兒者小

兒具王者冕服妙麗端嚴以手指天數千人圍衛雲
氣中皆頂統佛光岸上衆男衆女頂手仰天者殆以
萬計無畫者姓名亦無年月標題觀者莫辨為何緣
舍施也余謂此宋之陸秀夫抱帝赴海圖也何以知
其然也曾見宋君臣圖像范文正公冠服如此昨謁
文丞相祠其所塑冠帶略相彷彿小兒具王者冕服
必宋之帝昺也虛舟出沒者公抱帝墮海而舟中之
人皆從而溺也騰雲升天頂統佛光者乃後人之妄
想而畫者之苦心也當此時也宋之社稷浮在大洋
君臣上下共寄其浮游之命于颶濤鯨波之間非水

則天無可往矣然猶日書大學章句以數少帝雍容
暇豫有若論思於厦簾之上豈非迂且惑歟嗚呼忠
臣義士者不以顛沛覆亡而小懈其眷々忠愛之心
則誠為天下國家之本惟在於意識而心正一日無
此君臣則已若一日有此君臣則此為一日之先務
惟其不明乎此故雖提封萬里猶為無天下國家也
苟能先此則雖扁舟之中其治平之理未嘗不素具
也去食則死去兵則亡而聖人猶欲守信於死亡之
後而況當時文丞相視師于外鄧光薦督餉於中則
舟中之天下猶有先復之理者乎

報國寺

報國寺在宣武門外迤北一里月三五為市日海內
百貨輳集佛殿三寮廂周遭而居僧鮮少皆京外商
旅無異闐闐禪林中一大都會也第一殿扁曰一塵
不到第三殿後有毘盧閣中間為大路壓鋪羅列車
馬開熟不獨市日為然也余讀史記蘓秦說齊王曰
臨淄之道車轂擊人肩摩揮汗成雨建祗成帷始以
為過矣今觀於九門信然詩寺如報國隆福皆如九
街然後益知古人言語文字不為虛辭夸炫也列國
之時日尋干戈而都邑之富庶猶能若彼况昇平天

子之都乎上毘盧閣、三十五間中安文昌星君左
右列佛像神將從北壁踏層梯登其上閣黑暗如漆
拾級惟謹可揣五六丈及梯盡而白日昭明上閣十
五間有大金佛十一循欄一周皇城九門外內纖毫
皆見豈人寸馬蠕蠕埃壒間天寧寺影塔高入雲霄
太液池一泓澄明瓊島白塔晶直自表寺創于成化
初為皇太后祈福翰林侍讀學士劉定之撰碑汪容
書

天寧寺

自報國寺轉至天寧寺元魏時名光林隋時名弘業

唐開元中改額天王寺金大定二十一年為萬安禪
林明宣德中修之曰天寧正統中又修之曰萬壽戒
壇臨大道築臺二層高可五丈臺上廂窳周遭聯絡
幾數里中有大佛殿五萬說隋文帝仁壽二年正月
帝遇阿羅漢授舍利一囊乃以七宝函致歧雍等三
十州、建一塔以藏之今天寧寺塔即其一也塔高
二十七丈五尺五寸云塔凡十三層八楞懸鈴四周
為訃音無斷時塔頂風磨銅輪相晶瑩閃歛映人衣
袂翻青掣白曰開塔影倒入大士殿日方中闔殿門
先從門隙入見塔全影于石上云此來適值陰霾不

見其影大士像後華嚴經障子奇巧神出康熙辛未
大興縣李之秀妻劉氏手寫華嚴全部八十一卷六
十萬四十三字曲折宛轉作五層殿閣中置佛像字
細如螳頭而点畫謹嚴撇拐齊整無一毫亂勢殿閣
簷壳牕櫺無銖黍之錯佛像眉眼如生衣紋襍摺隨
勢噫不謂一女子心手之用若是其神況全寺之功
集天下之衆力而爲之者哉寺中宝器珍玩有不暇
悉者矣

白雲觀

白雲觀周遭壯麗不減天寧寺道士百餘人居之牌

樓外扁曰洞天佳境內扁曰瓊林閣苑渡三空橋入
玉皇殿玉皇具帝者服遠殿三十三天帝君拱圭垂
旒皆如玉皇天蓬神將三頭六臂各擁兵冠前殿安
南柱老人星君騎白鹿左一殿安斗母右一殿安丘
長春元世祖國師也玉皇殿扁紫虛真氣斗母殿扁
大智宝光俱康熙御筆道士所居廊廡千餘間皆明
淨肅整一塵不動所儲書冊皆錦卷玉軸充溢棟宇
昂異敦古磊砢古奇屏廊書画往往絕世之寶也

法藏寺

從天壇北牆東行數里有法藏寺：創于金大定中

舊名彌陀寺明景泰二年修之改稱今名制視天寧
諸寺大同塔七層高十餘丈中空螺旋為級黑暗如
夜摹循置足如入鬼窟既登一層入牕洞然心目爽
豁比登七層一夢一覺每層八面：皆有牕：皆有
佛凡五十八佛：前皆設一燈或云上元夜繞塔燃
燈迭奏笙簫如出天上第一層有我國金公昌業題
名其下又有洪友大容題名墨光如新徘徊悵恨如
可晤語憑欄四望黃圖全幅歷：在眼：力既窮魄
動髮懷不可久居第二殿有兩碑一給事中吳獻撰
鴻臚寺丞高岱書一國子祭酒胡濙撰太子賓客淮

陰金瀛書左都御史姑蘓陳鑑篆

太陽宮

出法藏寺西行數百步有太陽宮香火甚盛車馬駢闐內外諸殿左右廊廡男女祈禱者日千萬計階城之間燭淚成峰香爐如雪前殿當中紫微星君東太陽星君西太陰星君後殿九天星君聖母左一殿關帝右一殿釋迦販賣酒食花菓戲弄禽鳥逞伎售術輻輳雜沓寺觀中一大都會也

安國寺

崇文門外西南有金魚池一名魚藻池界池為塘盛

植桃柳居人歲種五色魚市場為紫金色最多故号
金魚池每歲端午都人盡出走馬池邊池陰一帶園
亭甚多而安國寺最為壯麗寺門左右有鍾鼓閣有
大殿三殿前東西廊廡數百間皆有像設金碧炫耀
殆難名狀殿後又有三大樓金檻繡牖縹緲雲霄間
而只有二僧相守香火稀到是可怪也

藥王廟

天壇之北有藥王廟武清侯李誠銘所建也殿中設
太昊伏羲氏左神農右軒轅配以歷代名醫如孫真
人岐伯扁鵲葛洪華陀王叔和韋真人太倉令張仲

景皇甫士安多不能盡記縣倣文廟從享之制每月朔望士女雲集祈禱疾病燭爐香炷堆積如雪方有一女子盛粧叩頭粉汗漬席殿宇壯麗殆與太陽官相伯仲

天慶寺

樂王廟隔牆有天慶寺有四大殿第一曰四王第二曰圓通第三曰大延壽第四曰空相空相殿中以寸餘金佛數千萬軀積累成大佛像眉眼如生額紋衣紋無非小佛像橫縱堅倒如畫筆所摹描也以此心手之巧共於土木之功丹雘之麗何難之有如此大

寺刹只有一老釋與數三少沙彌俱居廊廡間百工
居住工作紛然書畫長軸裝潢稍帖皆就是中東北
隅有高樓中建十三簷金塔刻鏤藻繪之盛殆出鬼
手寺建于皇明天順三年己卯

斗姥官

天壇之西有斗姥官門前正街樹牌樓三南坊外額
曰與天同壽內額曰萬壽無疆東坊外額曰蓬萊深
處內額曰東華注籌西坊內額曰天竺延祥外額忘
焉三樓昂峙金碧璀璨目難定視也第一殿榜曰北
極殿安北斗星君第二殿至第五殿皆鎖不許人覲

大約土木之盛藻繪之工有非心智力量所到左右
廊廡壁上所畫無非剏觀而行忙不得諦聞又至一
殿從牕隙遙窺雖未知何物室玩而熠燿青碧如鬼
火礪礪錯落如佛腹欲曉未曉如夢讀籀字者又行
至一屋多置古書畫米芾天馬賦山精木魅圖只聞
其標題而去康熙時太監顧時行為太皇太后祈福
捐私財造建碑文翰林侍讀學士高士奇撰康熙乙
亥立

隆福寺

隆福寺市日每月三一興湧寶鏡齋同行是日值市

車馬左爲閬岷寺中咫尺相失遂獨行覲玩碑載景
泰三年六月工部侍郎趙榮董工役夫萬人五年四
月成車駕擇日臨幸太學生楊浩儀制郎中章綸俱
上疏諫即日罷行卿士太夫連車騎至寺中手自揀
擇市買百貨盈庭珠玉珍室之物磊落宛轉于履屐
之間令人足踏如也心怵如也而視瞿々也階城玉
欄所布掛皆龍鳳繡厨而衣被牆壁者盡是法書名
畫往往施帷幕撞金伐鼓者逞戲售術者也前年李
繼官遊此寺值市日逢內閣學士嵩貴自選一狐裘
挈領披拂口向風吹毫較身長短手揣銀交易大駭

之爲貴者滿洲人往歲奉勅東出者也官禮部侍郎
蒙古副都統我國貧士家雖乏無尺僮者未嘗敢身
至場市間與賈豎輩評物高下爲齟齬事也宜其大
駭於我人之目然今吾歷訪賈買者皆其中名士殊
非裨販阻僮之徒以遊覽來者類多翰林庶吉士爲
訪親旧問訊家鄉無買器服其所見物類多古董異
鼎新刻書冊法書名畫朝衣朝珠香囊眼鏡非可以
倩人爲皮膜苟艱事莫若親手停當爲愉快選擇去
就之際亦見其簡易質直而所以中國人、能有精
鑒雅賞也

夕照寺

訪俞世琦于夕照寺。不甚宏傑而精灑幽爽真乃
一塵不動禪林中淨界此為初見也無一僧居住皆
閩粵中落第秀才無資不能故多留此中相與著書
刻板以資生時居共三十一人為入債書朝出未還
寂無一人而所居皆潔淨位置整齊使人徘徊想詠不
能去析津日記云燕京八景有金臺夕照此寺之所
由名也俞君本閩人為陝西兵備道陳庭學姊婿今
年二月喪妻無子男有四歲乳女置婦家身獨與小
僮栖息此寺中

閔帝廟

閔帝廟遍天下雖窮邊荒徼數家村塢必崇修棟宇
賽會虔潔牧豎饁婦咸奔走恐後自入柵至皇城二
千餘里之間廟堂之新舊若大若小所在相望而其
在遼陽及中後所者最著靈異其在皇城者稱白馬
閔帝廟載於祀典則正陽門右閔帝廟是也每年五
月十三日致祭前十日太常寺題遣本寺堂上官行
禮是日民間香火尤盛凡國有大災則祭告之為曆
時特封三界伏魔大帝神威遠鎮天尊旨由中出我
國南閔廟壁上所揭蓋摹此筆也焦竑撰廟碑董其

昌書世稱二絕

明因寺

聞明因寺有偽蜀王衍時贊休所函十六羅漢像奇
奇怪、不類世間所傳思欲一覩座有初翰林彭齡
亦同余思遂約日共車至寺、在正陽門外三里河
東畔不甚宏麗只有一僧病咳且甚頑鄙牢諱此函
且不許遊覽初太史向僧再三叩懇而僧頑賴轉甚
不肯舉頭應答良久厲声叱之初赧然而退殊甚敗
意引余同歸歷護國寺

大隆善護國寺

護國寺都人稱千佛寺以其有千佛也又名崇國寺
有大小佛殿十有一區雖甚宏傑而亦多破敗正德
中勅西番法王領占班丹及著肖歲卜等居住所謂
班丹歲卜者如今熱河所置班禪也未知寺創何代
而有元丞相脫脫斡像幘頭朱衣髯長眉脣氣宇清
肅衣冠皆似華制元時宰相或不開制歟是可異也
旁有鳳冠赤裳老嫗乃脫脫妻也又有姚廣孝画像
姿容蕭洒髡頂跣足萬緣俱空不似西湖鼓簪獨吟
時也昔司馬遷稱張子房款類婦人余於未見此像
時意其有滔天殺氣今不然矣

火神廟

火德真君廟在北安門日中坊元至正間建萬曆時
改增天啓元年著令以每年六月二十二日太常官
祀火德之神前殿曰隆恩後殿曰萬歲曰景靈曰輔
聖曰聖靈曰昭寧凡六殿皆碧琉璃瓦階城皆綠琉
璃甃殿後水亭臨湖金碧照映連漪間壯麗與藥王
廟相並而勝槩過之一碑朱之蕃撰一碑翁正春撰

北藥王廟

北藥王廟殿宇位設一如南廟而東臨海子沿堤萬
柳陰濃湖濱遊客常滿天啓中魏忠賢所建云

崇福寺

崇福寺本憫忠寺唐太宗還自征遼哀憫戰亡將士
為建此寺以薦福兩塔對峙或云安祿山所建或云
史思明所建高各十丈要之兩賊所建而中國人猶
以千年舊蹟而不沒也宋史謝疊山以元至元二十
六年四月至燕京問謝太后攢所及瀛國公所在拜
慟哭元人送置憫忠寺見壁間曹娥碑泣曰一女
子尚爾遂不食而死尋張不矜為史思明頌唐肅宗
碑蘓靈芝所書今無有然當以朱彝尊所辨為正大
高麗史忠宣王至大都帝祝髮置之石佛寺或云此

寺未可詳也

真覺寺

真覺寺俗名五塔寺又名正覺寺浮圖高十丈踰金剛宝座入其內從暗中螺旋以陟其頂上為平臺復置五方小塔世傳明憲宗皇帝生藏衣冠處寺或云蒙古人所建或云明成祖皇帝時西番板的達所貢金佛五軀為剏此寺以舍之今我人初見金屋番僧大驚於心然中國歷代必有此等崇奉則天下共許天子遊神暇豫之地而兼資冥佑故雖極崇侈所以羣下不敢指斥聊相假借之也

利馬賓塚

出阜成門行數里道左列石柱四五十上架蒲萄方
爛熟有石碑樓三間左右對蹲石獅內有高閣開守
者乃知為利馬賓塚而諸洋人東西繼葬者摠為七
十餘塚。域築牆正方如碁局幾三里其內皆西士
塚也萬曆庚戌賜利馬賓葬地塚高數丈甃築灰甃
墳形如甌瓦四出簷遠望如如末數大箇塚後甃築
六棱高屋如鉄鐘三面為虹門中空無物樹碣為表
曰耶蘇會士利公之墓左旁小記曰利先生諱馬賓
西泰大西洋意大里亞國人自幼真修明萬曆辛巳

航海首入中華行教萬曆庚子來都萬曆庚戌卒在
世五十九年在會四十二年右傍又以西洋字刻之
碑左右樹華表陽起雲龍碑前又有甍屋上平如臺
列樹雲龍石柱為象設有享閣閣前又有石屏樓石
獅子湯若望紀念碑



